

西

藏

日

記

聖天子敷教四訖德洋洋濊車書文物之盛超邁前古

甲寅冬予奉

命使秦寧輿程徃來凡六越月自冀北山右歷陝及川
綿亘四省凡五千九百餘里考山川之源委誌風
景之異同目見耳聞排日紀錄道中叨蒙

訓旨遠頒

恩賚疊沛皇華原隰屢黔

聖慈感切之忱尤難罄述昔揚雄提槩懷鉛時訪方言

土俗況

國朝幅員式廓編氓歸化予得憑茲輶軒周覽形勝

尉候亭障六合一家咸頌

皇仁而服德教所得不既多乎爰從暇日區為上下二
卷較韋莊之峽程記范成大之攬轡騁轡二錄詞
義差可髣髴以脩來風之故實云爾是為序

雍正十二年 月 日奉

旨前往泰寧與達賴喇嘛相見兼

命閱視經過地方營伍隨於十月朔後五日

陞辭自海淀起程回望觚棱心增紆戀西山送翠馬首

戒塗行三十里許過蘆溝橋橋當朝會往來孔
道建自金明昌初橫跨二百餘步翼以石欄雕
刻金猊數百枚其下為桑乾河本曰渾河亦曰

黑水俗稱小黃河色黃濁而流動駛發源山西
渾源州從靜海縣直沽入海蘇軾詩北渡桑乾
冰欲結蓋是時未置橋也又三十里抵良鄉宿
天氣晴和初冬尚暖櫺楹登瑒村墟如畫縣東
北燎石岡上有多寶佛塔五級玲瓏舊傳塔記
云隋建訪覓碑版不可得

初七日發良鄉禮佛於弘恩寺過寶店琉璃河
一名劉李河水經注謂之聖水元和志謂之迴

城水流合胡良拒馬二河下有鎮水鐵柱俗傳

唐末王彦章為甚謬是日宿涿州本古涿鹿之

史記郡南食邑千餘戶涿侯即此地

野有督亢陂隋書食貨志齊皇建中開幽州督

亢舊陂歲收稻粟數十萬石即此也西南為樓

桑村漢昭烈故居

初八日次定興縣北河村即拒馬河也

舊有橋明萬曆初定崇禎時水漲橋
南有渡為
此今過水不
舟以渡

涿易沙三水合流處名河陽渡按舊志在及中

漢九澤并特標卷之九及十

五及由范陽故城得名今道北有十五渡在渡

而樹汲及蓋音近而訛

五

初九日黎明抵安肅縣縣有梁門口輿地記云南昌水所匯今無此水按水經注易水東分為梁門陂是南昌即易水以流近縣南故改名又有雞爪泉湧分三派流為河保定總督李衛來迎午後至省治閱兵北關外宿蓮花池別業元萬戶張柔故基也柔佐元開國以勛績聞

初十日再閱兵教場申時發保定過陞陽驛及方

順橋其河本名順水源出完縣伊祁山曰濡水
流入清苑徐河是日兼程行歷慶都界抵清風
店宿已二更矣

十一日過唐河河本涇水自唐縣流入一曰清水
有渡是日天陰凝雪至定州大雪晚次新樂古
中山地也有伏羲城在西南

十二日晴過藁城之伏城驛抵真定府治校閱總
兵標營將士於教場宿隆興寺

十三日登佛香閣瞻拜法身高七丈餘紺鬚眉為
丈夫相十臂而足手執兵仗閣三層廣八十楹
中空洞四圍開牖拾級而上及頂財見菩薩面
目寺剏隋開皇中

本朝康熙三十七年

聖祖仁皇帝遣官重修

御製碑文勒在貞石是日復閱武小教場事畢啟行渡漳
沱河北魏謂之清寧河自山西繁峙導源下流

至直沽入海按周禮并州其川潯沱朱子謂禹
貢恒衛既徙之衛即潯沱水經無潯沱專篇散
見於易滏巨馬諸水中今潯沱南注非復昔日
經流舊志以雷塘溝之合潯沱者為古衛水明
楊慎又指九河之徒駭為潯沱大約水道變遷
後人多懸揣傳會耳宿獲鹿縣西抱犢山舊
名草山韓信使人持赤幟從間道望趙軍處
十四日過井陘口有關曰土門太行八陘第五陘

也陳餘聚兵拒韓信處上為井陘山俗呼韓信
臺涉微水抵井陘縣治南關外有綿蔓水昔信
擊趙使萬人先行背水為陣謂此水也宿枹桃
園及雨雪

十五日天陰無雪出固關明正德時改建乃燕晉
控扼要地過關即山右界矣岡嶺環紆石子如
升斗大散漫谿石間梭梭矗矗寒風逼人馬毛
縮蜷抵樂平栢井驛及西郊舖有試劍峰舊建

淮陰廟於上宿平定州州在萬山中鳥道盤空
一綫陡落其東浮山煉石竈土人傳女媧補天
處荒誕不足信

十六日仍陰微霰過黑砂嶺歷孟縣芹泉驛宿壽
陽有鴉峪一名秀谷通鑑晉天福九年劉智遠
敗契丹秀谷是也山路崎嶇多泥淖余諭守令
前途揭示天寒雨雪毋勞民修治道路

十七日薄陰微日憇太安驛晉撫石麟率官弁送

於石帖村晚宿榆次王胡鎮有堡城左傳石言
於晉魏榆今榆次是

十八日微陰閔太原營兵於王胡鎮南余乘馬馳
射村民環集夾觀羅拜馬首是夕宿徐溝克城
鎮相傳克自涿鹿遷此

十九日初晴過祁縣賈令鎮左傳昭公二十六年晉賈
辛為祁大夫鎮蓋以辛而名其縣治翼翼封邑也
有晉舅犯敵里又有漢司徒王允祠是夕宿平遙五里莊

二十日至平遙縣治觀三清觀漢栢城東有尹吉甫將臺按吉甫伐獫狁至太原在隴右平涼境朱傳誤以晉之太原當之後人因附會古蹟耳
憩介休張蘭鎮唐書太宗追宗金剛至張蘭堡即此過鄉家村距縣治二里許有林宗故宅及墓墓前存漢槐一株清風襲人髣髴墊巾風緊其縣以介子推名今有祠在西關城內又有文潞公祠遂宿義棠橋汾水所經也有驛西南為

雀鼠谷開元時北巡并州出此路

二十一日過靈石冷泉關關為平陽咽喉李商隱
有寒食行次冷泉驛詩蓋舊驛也至水頭村過
烏斯藏使臣延見於行臺登韓侯嶺有廟踰嶺
宿仁義鎮相傳劉武周築此仁義河經流其下
源出沁源縣流入汾

二十二日過大會頭上霍州逍遙嶺憩施莊再憩
州治州以霍山名北關外有扁曰依霍太岳也

禹貢既修太原至於岳陽又壺口雷首至於太
岳指此趙襄子臣原過得朱書唐高祖舉義白
衣老父詣軍門傳神語助兵皆其地也今存原
過祠宋老生墓是夕宿新置舖

二十三日至趙城塗遇羗國使者延見之縣有媯
皇陵趙簡子墓過洪洞有碣曰師曠故里曰叔
向食邑又有臯陶廟蘭相如墓縣北惠遠橋有
通霍渠南為聚瑞橋澗水如帶西匯入汾臨汾

高河橋即滂水三橋之水並資溉田抵平陽府

治宿

二十四日謁帝克廟校閱營兵於廟左演武場

二十五日發平陽憇襄陵趙曲鎮有溝澗過曲

沃象城驛北有碣曰虞城臣伯益故里曰文中子

故里宿高縣鎮

二十六日憇侯馬驛過隘口亦曰厄口晉所置鐵

嶺關也出口有碣曰裴晉公故里再憇聞喜上

東鎮宿縣治故桐鄉也漢書元鼎六年將幸緱
氏至左邑桐鄉聞南粵破以為聞喜縣其故城
在今縣東南東又有碣曰鄉璞讀書處

二十七日憩夏縣水頭鎮晚宿安邑運城

二十八日登歌薰樓觀鹽池池周百二十里宋分

東西為二各置塲務明分東西中為三池東西

屬安邑西屬解州水經注水出石鹽自然印成
洵坤輿中神異物也唐賜名寶應靈慶池今池

萬壽牌

北土阜有神廟坊曰地寶天成南臨池即歌薰樓坊曰舜彈琴處是日抵解州謁 關聖廟宿州邸其東關有碣曰風后故里二十九日晨起朝服赴 關聖廟拜

十一月朔發解州憇虞鄉再憇七級鎮宿蒲東之寺坡底

初二日遊普救寺隨閬州兵演武場蒲本舜蒲阪也

初一日遊晉陵寺隨州兵演武場蒲故蒲坂也北負關陝南阻大河懸直河鎮晉

界是三省平元并為舊郡季札樂風有思深之嘆無文接後世對蒲煦

皇仁匪伊朝多故主俗取淳朴敦厚年穀屢豐米直每斗平錢穀計西人民衆

業所在鼓腹擊壤是日抵風陵渡口一曰風陵堆史記作風陵水經注謂之風埏按關鄉載女媧墓女媧風姓故名爰具牲犧祭

故都北負關陝南阻大河懸直河鎮抵風陵渡

口一曰風陵堆史記作風陵水經注謂之風埏

按關鄉載女媧墓女媧風姓故名爰具牲犧祭

河既渡宿陝西潼關縣是日也風恬水激暖若

三春

初三日登麒麟山觀元季鐵鐘山為縣城盤跨托

河之衝故潼關又名衝關晉豫雍三省分界處也故潼關在華嶽北隋移縣東即古城關唐移

北臨河則今縣治經華嶽廟登閣見三峰削成

翠落天半逶迤華山蜿蜒而登至青柯坪坪在嶽下

山谷盡處陟嶽之初級也二鼓回華嶽鎮宿鎮宿在嶽下

初四日再登嶽廟之閣摹畫三峰勝景因思昔時

王蒙知泰安州張絹素廳壁日對泰山興到輒

一舉筆圖成示陳汝言值大雪汝言張小弓矢

於筆彈之遂為雪景一時推為神筆王陳以繪

事擅藝千古然必臨摹真景纔肖天然之趣余

今亦同此意耳。南華書扁鵲賜司道等至華陰
縣憇敷水唐驛也。白居易詩春風敷水店門前
水經注敷水南出石山之敷谷北流注于渭是
也。又名羅敷水有謂即樂府羅敷者誤。羅敷趙
人今邯鄲別有羅敷潭。是日過華州柳子鎮宿
州治華陰東有碣曰王猛墓。州東有碣曰唐汾
陽王故里曰陳希夷墜驢處。

初五日憇赤水即古濯水。水經注水出石脆之山

東北流與黑水合北流注于渭今名高谷水再
想渭南出豐原驛過潯河即首水水徑注渭水
又東首水自倒虎山南摠五水單流北注有酒
橋一名萬里橋其地有半日村唐郎士元別業
在焉宿零口亦曰泠口泠水至此入渭水徑注
泠水出浮肺山宋敏求長安志零口水濁利灌
溉

初六日過臨潼之新豐東有碣曰南原鴻門按史

記注新豐古城東未至戲亭道南有新原南北
洞開即鴻門今臨潼有戲水鋪鴻門亭是其蹟
也劉項遺壘都付榛翳久矣至縣治西安將軍
督撫率官弁來迎延見行臺因登驪山之巔有
老子祠刻玉為像晚浴于湯池水經注魚池水
之西南有溫泉世以療疾即此唐開元中建華
清宮其上集會昌城置百司公卿即第徒增繁
侈今池水四周甃石如環中一小石鑿七竅出

泉飛流瑩澈湔滌神襟覺山水有清音
月宿臨潼有張橫渠講學坊

初七日憩咸寧灞橋鎮水經注灞水歷白鹿原東
又北入于渭漢書注霸水古曰茲水秦穆公更
名以章霸功唐時多于此橋折柳送別岑參詩
山開灞水北雨過杜陵西今縣治有少陵原樊
川黃陂猶存過灞河至漣水三輔黃圖云漣水
出藍田北北至霸陵入灞唐詩鹿原陰面漣川

渭今府城東北有龍首渠乃導漚水者也終南
太一寒翠鬱蔚渭流襟帶澄如匱鏡時督撫標
營弁暨滿漢兵列隊出迎進西安長樂門以督
署為行臺延見文武官弁等

初八日拜發

奏章

初九日出安定門演武場校閱督撫等標兵余亦
乘馬騎射晚書布額詩文賜將軍督撫藩臬

初十日發西安憇長安縣三橋鎮渡澧水入咸陽
界長安志澧水自長安縣界來下流入渭遂過
渭水浮橋水經注渭水東與豐水會于矩陰山
南水上舊有浮橋三輔黃圖橋在便門外跨渭
水亦名中渭橋又曰咸陽橋杜甫詩塵埃不見
咸陽橋是也憇縣治過馬跑泉宿興平東關
十一日過興平縣漢之槐里也登西坡謁姜嫄后
稷祠有玲瓏石形質甚秀其驛曰白渠本成國

故渠魏衛臻征蜀所開非漢時白渠也今湮廢
憇馬嵬鎮唐楊貴妃墓在坡前再憇東扶風鎮
宿武功本古郿國堯封后稷于此漢置郿縣
郿
即郿

十二日憇扶風縣西有班固馬援墓坊曰古義陽
城按漢義陽故城在武功西北後魏移置古郿
城扶風非故城治所或地界相錯而混再憇岐
山縣之益店鎮抵縣治宿登西城北望岐山南

眺五丈原按河圖岐山在崑崙東南名地乳漢
書注其山西岐俗呼為箭枯嶺今日鳳凰山以
周初驚鷲鳴此故名五丈原在石橋山側與寶
雞接壤蜀志諸葛亮由斜谷出據五丈原與司
馬懿對于渭南即其處

十三日微雨憩鳳翔縣界第五村再憩寶雞店
鎮西北有瀑布三泉遙望陳倉諸峯與終南太
白綿亘羅立雪影暗飈寒颼颼襟渡汧水水發

源隴州自汧陽流入水經注汧水自茲山東南
流又東流于渭水是夕宿寶雞縣有坊曰陳倉
古道即秦文公祀陳寶處祠在縣東二十里渡
汧後所必經也

十四日在寶雞雨止午登北山遊八角寺金臺觀
南眺羣峯俯矚渭水山有碣曰雞臺金臺有張
三丰祠園徑娑羅泉在縣東二里三丰養真于
此惡蛙聲咒之後產蛙不鳴今有碣曰張三丰

得道處

十五日天陰無雨過渭河橋及清澗河抵益門鎮
鎮西據益門山元平章李思齊築為入北棧之
始脩牲帛祀棧道之神過二里關有巡司憩觀
音堂歷大散關關東即和尚原與仙人武休馬
嶺畫眉諸關聯絡臂指當秦蜀之喉襟水經注
西當水出陳倉縣之大散嶺昔孔明引兵出散
關圖魏吳玠托和尚原為宋守英風勁烈山谷

爭雄今遺營殘壘唯寒鴉數點出沒可登煎茶
坪坪高二十里石磴峻滑山巔積雪盈尺人馬
行雲霧中間水流瀼瀼土人云是瀑布散過石
埭鋪一名白鼻孔明曾築寨蘇軾有詩再憩東
河橋宿黃牛鋪吳璘以兵援黃牛堡即此地

十六日天陰微雪冰漸覆地憩鳳縣草涼驛一名
草橋即康節過此有草涼樓詩雪止再憩王家
臺宿縣治自縣之斜谷抵褒城之褒谷總曰連

雲棧有板閣三千八百餘間華陽國志諸葛亮
相蜀鑿石架空為飛梁閣道然觀張良勸漢高
燒絕棧道則自秦漢時已有非孔明初造也或
更加修築不可知

十七日晴出縣西門南折登鳳嶺嶺甚峻石斷斷
如編齒馬踏有聲憩心紅鋪橋棧漸多再憩廢
邱閣一曰費邱晚宿南星鋪自鳳嶺以南始有
竹

十八日憇榆林鋪過嶺紫關嶺下嶺入紫柏山即華

陽國志之紫柏坂也地多紫柏有留侯祠碑曰

張良辟穀處再憇廟臺宿留壩驛

十九日過畫眉關入馬鞍山二十四嶺憇青羊鋪有

青羊河水經注水東出馬鞍山歷谷西流至故

道城東西流入故道水即謂諸嶺之水也再憇

武關驛即武休關過河宿褒城馬道驛有馬道

河一曰樊河入褒水上有橋故又名樊橋驛有

碣曰蕭何追韓信處蓋流俗相傳之說也

二十日憇二十里鋪過十里關再憇青橋驛以青

橋山而名其北有河西南流入褒水是日始出

北棧宿褒城縣治所歷觀音碣褒如鋪並怪石

嵯峨懸崖欲墜江流激湍如南奔騰難頭關

居山絕頂唐韋莊詩石狀維如磧山形可類難

是也關下有門即五丁所開石牛道名褒谷口

有七盤嶺自褒以西柑橘甚賤民多糴田服用

碣石在褒城縣中極目實
漢後魏石關道
為今名化陰
為青村極便

水牛

二十一日憩和店再憩沔縣黃沙驛有黃沙水按
水經注黃沙水北出遠山山谷邃險人跡罕到
谿曰五丈谿水側有黃沙屯諸葛亮所開其水
南注漢水則驛即其屯地也是日宿縣治出東
關祭武侯廟廟本蜀校尉習隆等表建渡沔水
復祭武侯墓登定軍山水經注沔陽故城南對
定軍山武侯遺令葬此又沔東關有馬超墓

二十二日由汙入南棧憩蔡壩再憩青陽唐驛也
武元衡有宿青陽驛詩徑龍門閣至大安驛舊
大安軍治此有大安河源自普明山南流與漢
江合九域志謂之金牛驛過驛為寧羗之烈金
壩石櫃閣杜甫龍門閣詩清江下龍門絕壁無
尺土石櫃詩石櫃層波上凌虛蕩高壁蓋指漢
江也名東漢水按地志烈金壩在嵯冢山下杜
佑通典漢中金牛縣嵯冢山禹導漾水東流為

漢水然漾水發源甚微合五丁峽諸水流為沔
厥流漸大耳又有嘉陵江名西漢水在州境西
北是日過五丁關峽曰五丁峽亦曰金牛峽兩
山夾道曲折如卷石壁千尋松栢交映水從峽
中噴薄而出滾滾馬蹄間狎石森羅奇險萬狀
遂抵滴水鋪宿

二十三日天陰徑栢林驛憩寧羗州治再憩黃壩
驛有黃壩水及田水可溉田過七盤關盤折而

蘇軾之詩也本參詳而郡縣後經州過之

上其頻音七盤亦曰五盤杜甫詩五盤雖云險

山色佳有餘有坊曰秦蜀交界下頻宿磚頭驛

川省廣元所轄也

二十四日憩神宣驛登黃荊嶺及龍洞背西峰夾

峙陡神有深處不無積其間嶺其間一山如狎龍橫跨其間其間洞有水合

嘉陵江自是日抵朝天鎮宿有巡司古籌筆驛也武侯

嘗駐軍籌畫于此誦義山猿鳥風雲詩句悽戾

久之

川省廣元所轄也陝地土厚水深民多厚重質且易於從教其米直唯省沽者即

自鳳翔以西接與川省市價俱平歲收豐稔

二十五日具牲帛祭嘉陵江神乘船過廣元界抵
昭化宿有桔栢渡距昭化二里一名桔栢潭為
嘉陵白水二江合流處白水即羌水也杜甫桔
栢渡詩青冥寒江渡駕竹為長橋是時曾置竹
橋矣西岼山峽衿束江流波濤迅疾其山石父
理詭異埕穴攢簇呀然隆然或尖若筍或圓若
球或若懸甍或若積瓦或半圓若洞孔或斜壓
若頽崖或突若虎攫或隱若獅蹲柳宗元萬石

亭白居易太湖^石記所摹狀不盡者也。在廣元
界有洞深邃曰甘露洞。石壁斷穴如蜂窠。中刻
浮屠像曰千佛。崖上鐫至正五六年蒙古
名^氏俱稱仕蜀經此留記。

二十六日過天雄關登牛頭山。俗名五里埡。盤旋
石磴^幾忽升降者三十里。劍門之險阨也。憩大
木塘。過劍州高廟鋪。歷誌公寺。七里坡。自坡迤
南。峯巒環疊。栢林甚繁。遙望羣山攢削。切漢穿

雲少近則峭壁迴抱如城郭狀即劍門關也本

古梁山又有劍山大小二鑿石架閣小劍勢尤

峻嶮名劍閣道姜維自指中為鄧艾所推還

保劍門即此有大劍二水分流至西溪口而始

合名水會渡一云水回渡杜甫有詩註家泛引

水經注之會口當之非也關內碣石多刻唐人

舊句是夕宿劍門驛

二十七日自劍門西行登五里坡石磴硤礪盤辟

唐書年事錄
宜瑞之瑞俱
經以清淨堂
因笑中元

而上憩青樹塘古栢數萬夾道仰窺天罅碧痕
一縷過漢陽鋪下憩石洞溝復上坡栢樹漸稀
過义手坡循山之半腰下宿劍州亂峰俯仰如
笏立石大者如屋廬如象牛小者如盆盎

二十八日出州西門登大坡過清涼橋憩柳池溝
舊為柳溝河沿坡驚礮登頓數十里宿武連驛
北周廢縣也西坡古剎曰覺苑有碑二一鐫述
遙樓三字字徑尺餘大曆五年顏真卿書一鐫

郭璞曰縣路翠武功貴縣路青武功榮岷山何
榜茲地勉忠孝翊聖世慶元丁巳治路種松岷^按
山何者宋縣令何瑑^考劉宋元嘉中僞置武功于
此故仍其舊稱但郭璞晉人何以先有武功之
目識記揣謬不足信矣蜀中氣候不甚寒崖草
帶綠麥苗正青人皆衣單袂山麓紫花含咲燕
蝶穿擲徃來

二十九日自武連南行石磴曲折十里餘至山頂

曰瓦子礮自礮循山行山坡纡複似徃仍迴東
西迷目平轉三十里憇梓潼上亭舖再平轉二
十里至梓潼廟廟在山巔燬于火復轉磴而下
者二十里抵縣治宿棧道竟焉潼江在縣西七
里自平武縣流入一名馬閣水有馬閣山舊傳
鄧艾伐蜀路出江油見高崖峭壁乃束馬懸車
造作棧閣因得通路故山水取名也

三十日出縣南門憇石牛舖再憇綿州魏城驛西

魏之廢縣也過銅馬鋪渡洛江水徑注洛水東南流逕洛縣西蓋州本漢洛縣水以此名自江油縣流入州北分二派至彰明廢縣南合流有廉讓二水注之南逕州城西會安昌水入潼川州界謂之內水晉義熙中朱齡石以奇兵從內水向黃虎是也夕宿綿州西關自梓潼至銅瓦多平山小溪板橋茅舍麥苗芊眠豆藿彌望行者有去險就夷之樂自銅瓦至州治高高下

下地勢盤迴為蜀東北要衝彰明廢縣在州北
有李白宅青蓮鄉白所生之地也州產水蘿蔔
脆美如梨

十二月朔發綿州憩皂荚舖再憩德陽羅江驛唐
故縣也羅江有二源一曰寧江一曰冷水並自
安縣流經驛北匯為過白馬關相對者為鹿頭
關杜甫有鹿頭關詩山勢自劍門來至此始盡
關下落鳳坡有龐士元墓廟宇二重中塑孔明

士元像古栢兩株甚森秀經靈龕鎮下坡道路
坦平天氣融冶修篁夾岨過綿陽河渡口即綿
水也自綿陽縣流入晚宿德陽治川省督撫來
迎

初二日憩漢州之小漢鎮過金雁橋橋跨雁江水
俗稱金雁河自什邡縣流入東南至州城合沱
屏河抵州治廣漢驛東南有房公湖一名西湖
唐房琯為刺史所鑿陸游詩繞城鑿湖一百頃

島嶼曲折三百里其勝槩可想也過新都彌牟
鎮有清白江即古湔水自新繁縣流入今名彌
牟河路左為武侯八陣圖祠宇巍然按明楊慎
記新都之八陣圖其地象城門四啟中列土壘
約高三尺耕者或剗平徑旬復突出今如小冢
漫衍不可辨識抵新都縣治漸晚官兵軍民迂
者衆乃乘炬入成都

初三日在成都古益州治此西北有石笋二杜甫

詩陌上石笋双高蹲是也舊稱武擔山文翁學
堂故址即今府學

初四日閱馬于箭道出府南門謁昭烈廟遊杜少

陵草堂杜詩背郭堂成蔭白茅即此

初五日校閱營兵于教場

初六日在成都

初七日恭迎

上諭及

賜物輜軒兩恩四蒙

恩賚遠頒彌增感戀是日發成都憩新津之金花橋至

雙流舊縣隋置在二江之間故名二江一曰郫

江水經注江水又東南徑武陽縣有郫江入焉

今名金馬河一曰汶江今名簇錦河合于竿橋

河並自溫江縣流入南關有碣曰先賢瞿君故

里按寰宇記瞿字鵠子後漢徙為人入峨嵋山

得道新津漢徙為地也過黃水河竹橋再憩花

橋鋪過金馬河竹橋竹橋法以竹百餘束橫列
河中覆以蘆篠護以欄楯袤十餘丈廣丈餘以
葦籬約之又編竹為墩實以石分置四隅沒有
大墩二對峙上流用巨索繫橋之脇視水消長
以制緩急人馬行則動盪有聲隨波升降亦異
觀也是夕宿新津

初八日微雨憩邛州之斜江河其水自大邑縣流
入遂宿州治自成都迤西而來瓜疇芋區野花

匝匝水磴山碓之屬旋轉波中竹高八九丈林中谷谷鳩鳴童穉赤足嬉遊余憑軒寄眺亦忘其為冬序矣州有文石井及琴臺

初九日晴出州南關過浮橋有邛水一名南河合文井江水經注文井江李水所導至臨邛縣與僕布水合即此憩魏峩店一曰卧桂店與蒲江交界再憩名山縣黑竹關宿栢站自邛州浮橋登土坡以抵栢站岡隴平夷稻畦環繞芭蕉竹

翠碧文溪
栢翠蔭拂衣鸚鵡畫眉共語

初十日過洗馬池及白土坎坡勢漸高厥土赤墳

石圓而理麤踰縣治十里入山地益險峻峽瀨類棧中景

象厯金雞關一名雞棘關過孝廉橋旁有高孝

廉墓按輿地碑目墓碑漢建安十四年立有二

一曰高順字貫方一曰高君實字貫光並舉孝

廉世遠年湮不可定為何人墓也徑桐梓林有

土司跪迎道左循雅河而西緣山傍岸抵雅州

府治宿雅河本名青衣江自蘆山縣流入水徑

注青衣水出青衣縣西蒙山東與沫水合沫水

即平羌水也源出生羌界亦自廬山流入水流

甚急波濤洶湧湖并而下如河勢華湍潮奔覆利蜀塞之巨川也河有小鐵索橋是日薄陰

十一日出府南門上坡西南行山勢却水林木叢

菁陰濛細雨屈折蟻封間亦泥如膏馬蹄黏泥

行步以寸計遙見西山夾峙中如巨門松栢掌

柱泉流奔洩地名對巖履棧上下沙石曼摩有

府治宿雅河奉名青衣江自廬山縣流入水經注青衣水出青衣縣西
蒙山東與沫水合沫水即平羌水源出羌界亦自廬山流入水流甚
急波濤洶湧澎湃而下如河勢華湍潮奔雅利蜀塞之巨川也跨河
有小鐵索橋是日薄陰巴蜀江水沃野土地肥美有竹木果實之
饒民俗勤儉米直不過數分自雅州以後番界又錯越嶓嶲山
商旅艱阻故米度漸昂貴

散人多悸恐馬亦喘汗至風木下磴道轉高山
禽隸雀竦立人行樹底面皴碧色迤西亂山萬
笏天日冥蒙澗中大石傾仆星塊兀鱗紛錯哇
蜀水覓石罅流怒而噴激鉤如雷震竟一日之
力僅行四十五里泥淖顛蹶而至觀音鋪宿焉
十二日過飛龍關雲霧四塞咫尺不辨人馬行三
里餘始開霽山路漸燥盤折而下者十五里曰
斜麻灣一曰麻柳灣復繞山而轉歷高橋關有

高橋水自雅州八步石發源流合榮經水二是日

憩新設站抵榮經縣宿

十三日出縣西門越坡跨棧忽上忽下林木愈稠

飛泉陡注時見畚民持畚鍤治道過鹿角壩經

箭口及安樂鋪山愈險峻雲霧沉黑細雨飄滿

據敵狀帝岩陡處馬蹄微挾行者相顧失氣噤不敢發棧

是夕宿箭口泥鋪

十四日過大相嶺舊傳武侯南征經此而名嶺高

四十里峰巒屏幃四時氛霧曠庫堂一覽塞居民罕睹日

如石蜀道牙王等處映瓊光逆聚寒氣通舒暢

光積雪數尺巘下垂凌長丈許今多虛閣險佳

明初景川侯曹震嘗修治以通行旅至今賴之小關大

關二山長老坪至九折坂及頂有坊曰漢刺史

王尊過此王陽不過此按漢書尊為益州刺史

行部至邛邽九折坂問吏知王陽所畏道叱馭

前驅注云在蜀郡嚴道縣今榮經為漢嚴道縣

治有邛來山在西南華陽國志邛崃山本名邛

筰故邛人筰人界也巘阻迴曲九折乃至山上

或以大關小關即古邛來蓋亂山綿絡都有是
稱矣自踰嶺後雲開日現風起揚塵覺別具境
界又轉折下二十四盤宿清溪縣風聲宿雨長聲未舒本古西夷
作都侯國唐以後為黎州

本朝置黎大所雍正八年建縣城築山上形勢陡峻

有大渡河即古泔水

曰瀘水

宋藝祖以玉斧

瀘水
不存

畫界處也

十五日出縣西門步下石磴百餘級過河橋山腹

橋山腹

者二郎洞瀘州盤湯綠葉迎颼林響岩石奔峭霞霏閃映過萬橋林

步趾益高身出度鳥之上羣峯輻輳若拱若伏古木傾欹奔泉衝射瀑瀉

而南而西而北行由後處尺來換王維詩所惜偏山將萬轉延後無百里也余自出京都望西南行至此始

轉為北過冷飯溝四丫口富莊放牛坪班鳩巖

溪口而至泥頭宿黎崖椒最辛烈諺曰黎州多

風雅州多雨

十六日憩林口登飛越嶺嶺高三十五里自泥頭

西北附山臨澗蟻轉蛇行下老軍口復上山俯

看二即澗一縷縈迴過高橋林口步趾益高覺龍林峯巖谷奔峭霞霏閃映

峰輻輳若拱若古木傾欹怪石墮研泉水衝射皆猿猴

聯臂之路（按：昔年李公遊羅施之使，我高麗為其為狀也）至伏龍寺馬定其喘人調其息惟見

烟霧卷幕微霰飄零山如疊壁樹若瑠瓊漫直

本抵嶺之巔氣少沉霽牽馬下磴始抵化林坪

清有化林營唐宋以來革差之分界今為腹裏地

唐四年番漢雜處向置副將鎮戍近移駐春寧

改設都司（按：此是夕宿化林）

十七日憩冷磧自化林坪下磴曲折附南山之棧

者十五里過澗登北山繞山西北行遙望西山

化林坪

在萬山之中四顧皆峭壁險峻唯此地平舒則可建莊然險而可通
往來者唯罕賜一傳舍此則難免越此化林坪當為扼衝之要道
得此志補入

（按：此則羅施越
之故坪最南抵
之底本）

有司以聞

盧江鎮崖城
黃均百傳文
行者賜臨莫
改却視

此之長堤橋身係人久矣
其以狀如橋身係

尺施索九條覆板于上欄柱皆鑄鐵為之午前則

滿鋪車板午後風起減板一半狀若窓櫺以通

風氣其橋身係人久矣行人凌風跨板而過左右動搖如騰身雲

霧中雨耳濤聲轟激心神震悚昔年

欽賜佳名瀝定

御製碑記勒石自是貢道廣通敎教訖邇方矣橋設巡司

及把總守之

十八日過橋西北行徑明正土千戶界內至咱里

萬馬奔騰
四字後記金叙碑右有此句 此處在酌改

黃州坪

歷小東大東二壩暫憩登大岡山高萬仞路徑

陡絕盤旋而上俯矚羣山拱伏如兒孫瀘江一

抹痕遙貫山脚遇冷竹葉黃草坪下坡歷金釵

礪山漸狹得木地山頭道水遂止宿

十九日至大藏為權稅之西憩柳楊縣南山最高

處瀑布湧起如練即頭道水也後路在山半

寬者方五六尺山壁復突出大石行者稍不戒

下墜江中和是者一處有大小狷梯遂抵打箭

石山平
破矢鏃
中少平
石又四云
劍因連
馬奔騰
石山平
破矢鏃
中少平
石又四云

爐宿公項南達爾查及番僧首目等以敬樂福
 種來迎自木小狍梯以西山勢略開江岫有地
 番人累石為碉樓相與聚居即打箭爐也漢旄牛徽外地
 舊傳武侯鑄軍器于此故名康熙初歸附後以
 西番侵擾討平之設官兵戍守雍正七年移雅
 州府同知駐此兼地連山接野馬道盤室為通
 西藏西海之要區茶貨所聚市肆稠密烟火萬
 家外有瞻對喇滾把底及綽斯中單東草什咱

凡五安撫司與爐接壤是為於溪今須南達西至各僧館見等以故謝福擇

二十日發打箭爐憩啞池塘帳宿于遮多遮多本

名折多又曰樂山山高而漫平有瘴氣

二十一日過遮多山憩巴拉思陀帳宿于弓把石

地俱有瘴

二十二日憩銅鼓石帳宿于上巴拜

西南山麓出向

二十三日憩巴辣頂遂抵泰寧自打箭爐西北行

至泰寧山皆平坦水山皆平坦山報小半童童無草木皆沮

如黑墳宜耕種三百里內田廣絕跡間有碉
樓小竇番民皆蓬首垢面無復人形除塘兵之
外鮮有華人往來泰寧番名格答雅正八年遷
達賴喇嘛居此

賜今名設副將及都司駐防其地兼轄化林德靖卓和
寧安等營城建于東山下關四關南北羸而東
西縮山趾下有碉樓數處土人所居是日主惠
遠廟宣傳

達賴喇嘛及貝子等

及其弟子

聖旨頒給達賴喇嘛

賜物余漢給賞其弟子等有差惠達廟在城外之西北

南向建都岡樓三重矩而平頂上為睥睨以樹
牆牆中無門橫闢小牖下無牖前闢一門西南
隅翼以小戶內皆露柱無間隔惟置天井以來
白光樓之上有複道通西樓別建小室數楹達
賴喇嘛居之

二計西日達賴喇嘛設宴于都岡樓是日拜發

奏章。

二十五日在奉寧大

二十六日早微雪

十七日至三十日俱在奉寧

二十七日不至三十日早晨見達賴喇

嘛呢至申接見親大喇嘛尊隆

諸首長土司耆人等皆

以金帛有差

二十五日見達賴喇嘛
金帛等物

雍正十三年乙卯元旦在泰寧率文武官弁拜
萬歲牌於都岡樓是日天氣晴和臣民歡忭望

闕抒誠感荷

忻懽遠被車書文物之廣洵前古所罕見也午宴達
賴喇嘛及僧徒百八百八酋長百十八人

初二日申時大雨雪

初三日晚晴

初四日達賴喇嘛進丹書于都岡樓是日給賞土

司等金帛

初五日余進丹書與達賴喇嘛

初六日至初九日^{十日}見達賴喇嘛

初十日余受達賴喇嘛丹書

十一日道場竟賽給眾僧^及百人達賴喇嘛恭脩

請

聖安之儀

十二日立春春寒雨雪聞雷素寧一帶雪山至冬月
即雷

十三日大雨雪

十四日微雪

十五日晴晚復大雪

十六日大雪晚晴

十七日達賴喇嘛起歲經道場

十八日至二十日

~~舟車~~

見達賴

三

乙

如前

二十一日晚雪

二十二日母事如前

二十三日達賴喇嘛贐餽受其銅像畫像餘却之

隨分頒從使官屬

二十四日道場竟復資僧徒如前

二十五日達賴喇嘛在桑堪場中
如前

二十六日恭迎

上諭及

賜物至本寧

二十七日賞土司所屬木役等及不勞其傭估道

二十八日舟中大风

二十九日再宴達賴喇嘛其僧徒酋長如前數

三十日午時大風雪晚晴

二月朔日達賴喇嘛宴餞于都岡樓上建三簷黃

繖一彩幢二絨纓白旗二皂纓赤緣白旗二錦

帳四番僧數人俯睥睨上吹海螺喇叭以迎余

同達賴喇嘛中遁入余東坐西向達賴喇嘛西

坐東向座高七尺加四褥次章嘉胡土克畜西
向座高四尺五寸諾木罕東向座高二尺再次
都統鼐格副都統福壽西向公瑣南達兒扎東
向皆褥地坐其下東列席六從使官升西列席
二番僧舊目及西藏使臣章嘉弟子等褥地對
向坐坐定僧揭席幕餉三行餅餽層累上列杏
桃諸品初獻時二老僧向上三拜北面倚柱坐
口喃喃誦番詞誦竟樓西南隅鼓吹大作其鼓

以鐵為腔鞞一面形如半瓜四番優躍而出一
人抹首赤錦三人抹首素帛並錦窄袖紅草履
腰束絳帶膝綴銅鈴右握斧左綰悅魚貫躬身
入庭中屈右膝以手杓地至額已而竦軀雙舉
斧起距曲踊僂仰合節有長蛇率然之勢斧柄
置鈴散琅琅與鼓相應良久鞠脆告退中華優
前奏樂樂三終番優更躍而進撫其斧作踦立
狀揮其悅作躡伏狀十盪十決仍鞠脆退如前

中華優再奏樂樂三終番優三上側身立兩臂
運掉支左趾右若射若搏欬搖斧振鈴揮旄前
逐散列四隅復聚而肩隨欽而鱗次仍鞠膾退
如前是時觀者目為愕眙心神震蕩問其制云
唐時公主嫁西番所携之樂伎也余嘗攷周禮
棘師掌教舞棘樂旄人掌教舞夷樂鞀鞀氏掌
四夷之樂與其敍歌禮記曰昧東夷之樂任南
夷之樂今番優蓋即任昧之遺意耳宋熙寧中

嘗取樂於高麗以脩國風則此亦可資輶軒之
采矣遠樓上樂作宴遂畢

初二日治行并以金帛贈達賴喇嘛及賓佐首長等
初三日發泰寧達賴喇嘛送至惠遠廟門番僧等

跪送道左泰寧今四面枯山百物不產歲多風
寒燠不時其地為控扼諸藏要區元以番僧八
思巴為大寶法王鎮撫各部明初置烏斯藏朵
甘二指揮司官故國公南哥思丹八亦監藏等

封番僧為大寶大來二法王及闡教護教闡化
贊善等王各給印誥俾敕導其眾後製金牌信符
以通茶貨

奉朝德威大播諸番獲北宇下

皇上煦育仁慈勤加綏輯番民覩使車言旋引手加額

咸切訓行近光之思益信教名洋溢遠矣余因

避遮多山瘴自泰寧東南行進賜落溝築中賜摩

林木蔥鬱

聖井上斗下達留一峰為尊者大雷山想下

雪山古名

板廠連東多杉樹山勢連華非空爛然如

銀其間復含碧色數級者萬年冰也遂帳宿於

山下見周竊烟竊蘿草有峰火頃助積雪瀟

漫山林隱形矣是夜雪深二尺按杜甫詩更奪

蓬婆雪外城元和志大雪山一名蓬婆山胡三

省通鑑注蓬婆嶺其地在雪山外金履祥書注

岷山數百峰大雪山三峯闔其後一谷名鐵豹

嶺者有西岳廟廟下名羊膊石江水正源也其

西南分一源又為大渡江蓋大雪山綿亘番界
南貢第指蜀江所發以為岷山導江其實江源
在大雪山猶導河積石而河源却在崑崙也

初四日發雪山被黏擁羃霏肩頭瓊攀緣詰曲而

上者二十里許及頂有平地十里許積水一泓地

名海子力深雪野不見其涯深處用國漢起為銀鋪主標練光來自爰陳牲帛西

向祭其神人騎旋轉雪中深若陷淖憩馬所騎可

家店迤東一派杉林宵無涯際梢頭雪片綠瑩

登防

如柳絮成團又三十里許乃帳宿于中岵

隨谷其地有溫泉

初五日自中岵起程雪勢雖微山登愈峻憩卧牛

莊山嶺僻平附山傍澗而行礪樓藉多至熱水塘氣甚鬱

蒸馳而過宿打箭爐按宋史志嚴道縣有礪門

砦元史志至元二年授雅州礪門安撫司高保

四虎符名勝志飛越山下有唐時三礪城今雅

州府西北天全州與打箭爐交界為唐之和川

鎮宋元之碕門蓋番民皆壘石為之故曰碕門
曰碕樓篇海云碕樓石室是也

初六日發打箭爐憩柳楊宿頭道水途中山桃初

綻綠草茸茸香風馥郁撲人口鼻

初七日過大崗山憩黃草坪及小烹壩過蘆定橋
宿東岸公署橋跨大渡河按漢書以青衣水為
大渡水水經注以旄牛徼外之鮮水為大渡水
唐宋以後始以古戕水為大渡水戕水即水經

注之泚水也泚水與班固云大渡水東南至南安入

泚水與班固云大渡水東南至南安入

泚郡道元云泚水南至南安入大渡水則大渡
與泚泚至下流始合耳古青衣水今謂之平羌
江方輿勝覽大渡河于黎州為南邊要害之地
河流澎湃如瀑船筏不通名曰噓口殆天設險
以限蠻夷今自建橋之後梯航貢獻王路蕩平
迥軼前代規模矣

初八日懋冷磧宿化林坪化林都司署內長春花

一株高丈五尺開花如椀大坪下崖中崖石燕
每長夏陰雨則飛出墜草間人得之則石也具
燕形

初九日過飛越嶺名勝志唐飛越縣在飛越山下
為沈黎西境要害之所憩林口宿泥頭鋪是日大

初十日憩富莊宿清溪縣治縣南有清溪閣故以
取名名勝志古清溪閣唐韋華所鑿以通好南
詔者自此出邛部經姚州而入雲南謂之南路

在唐為重鎮嘗置寧州于此是日遇風

十一日過大相嶺魏州作石憩黃泥鋪及箐口宿榮經縣治

縣以榮經二水得名榮水在城北一出相嶺一出
番界經水在城南一出瓦屋山一出改丁河
一出汶川五水會流總名榮經水北至雅安西
入青衣江縣界麥苗四寸遍處皆茶花

十二日天陰微雨過飛龍關憩觀音鋪及新添站
宿雅州府治按禹貢蔡蒙旅平和夷底績正義

曰蒙山在蜀郡青衣縣蔡山不知所在輿地廣
記蔡山在雅州嚴道縣嚴道今榮經縣也並無
此山名葉夢得妄以雅安縣東周公山當之明
統志遂謂蔡山在州東五里又有地名旅平在
州東十里夏禹治水功成旅祭於此皆荒謬不
足證信和夷水經注和上夷所居之地寰宇記
和川路在嚴道縣界西至大渡河五日程唐書
志雅州有和川鎮兵蔡傳云和夷地名嚴道以

西有和川是也但又云有夷道則非水經注夷
水東過夷道縣北在荊州域若嚴道以西古別
無夷道之稱也惟州有延錦花葉似秋海棠花
如紫荊草本而矮科孟冬開花季春始萎

十三日過金雞關憩名山縣有蒙山即禹貢之秦
蒙也水經注縣有蒙山青衣所發元和志山在
縣南十里每歲貢茶為蜀之最寰宇記山頂受
金陽氣其茶芳香茶譜山有五頂中頂曰上清

上諭及

賜物至并接郎中報

峯所謂蒙頂茶也再憇新店宿栢站是日恭迎
十四日微陰憇大塘抵邛州宿鶴山書院觀去年
所作石刻復書扁留之鶴山在城西八里相傳
漢胡安于此乘鶴仙去故名益部耆舊傳胡安
臨邛人聚徒于白鶴山司馬相如從之受任四
周林麓盤礴景候融和絳桃綠柳燦若錦繡縣

界有火井蜀都賦火井沈焚于幽泉是也名勝
志民欲火者先後以家火頃許如雷鼓用竹筩
盛其焰藏之拽行終日不滅井有二水取井火
煮即成鹽

十五日晴憩斜江河宿新津縣治地產獺民多畜
之捕魚

十六日憩雙流舊縣川省督撫等來迎謁武侯祠
過萬里橋進成都府南門宿督署元和志萬里

橋架大江水在縣南八里蜀使費禕聘吳諸葛
亮祖之禕歎曰萬里之路始于此橋因以為名
杜甫詩萬里橋西一草堂本寺萬里橋在成都武侯祠對面即此也是日書扇送

李冰祠

十七日在成都赴滿洲城校閱旗兵

十八日再閱旗兵

十九日三閱旗兵

二十日進成都北門外昭覺寺寺在北門外為宋國悟勤禪師

塔院今住持百餘僧多僧侶

二十一日校閱標兵事畢發成都帳宿於昭覺寺
二十二日憩天廸鎮晚宿新都縣治賞土司官布
額華陽國志蜀以成都廣都新都為三都號名
城廣都即故雙流縣也新都故城在今治東二
里蜀志法正依劉璋為新都令即此

二十三日憩彌牟鎮武侯祠觀所作石刻是日天
氣驟熱從人改服單袂菜花黃豔遍地如金翠

竹叅天百卉皴綠間以碧桃紫蘭香穠遠襲其
菜子堪壓油莖葉不可食也過十里河橋抵漢
州東漢益州刺史治舊有雒縣以城東洛水得
名亦曰沉犀水華陽國志所稱蜀之淵府浸以
綿洛者也宋明道程子曾為州牧多善政至今
祠之出北門乘船觀漁人縱獺捕魚不減少陵
所詠綿州東津景色晚刻恭迎

賜物至

接報

二十四日過金雁橋裴松之蜀志注劉璋子循守
雒城張任勒兵出雁橋與先主戰即此地憩小
漢鎮宿德陽縣治是日天陰微雨

二十五日陰雨憩孟家店過綿陽河上落鳳坡謁
龐士元祠書扁曰忠節凜然聯曰人傑不必以
成敗論赤忠湏得於是非明宿羅江縣治夜雨
徹宵

二十六日早拜發

奏章午時雨止發羅江憩皂角舖過綿河宿綿州西
關有越王樓杜甫詩孤城西北起高樓碧瓦朱
甍照城郭是也甫又有左綿公館海棠詩今無

考

二十七日天陰無雨自綿州過河憩沉香舖及魏
城驛羅隱有魏城逢故人詩澹烟喬木隔綿州
即此處也晚抵梓潼縣宿水經有梓潼水出其
縣北界南入于涪時蜀中一種花盛開儼如紫

丁香木本無葉高一二尺彌山谷嗅之輒頭痛
名悶頭花

二十八日天陰經梓潼廟晉謁觀所書石文宣化
縣關精其二扁勒石憩上亭鋪宿武連驛名勝
志劍門東南有七盤嶺廢武連縣設焉

二十九日憩柳池溝溝南有墓碑書大順二年蓋
獻賊僭號也令州守刊去之是夕宿劍州寰宇
記武侯相蜀于此立劍門以大劍山至此有隘

東之路故曰劍門有小劍城大劍城相去三十里

三月朔日天陰憩石洞溝宿劍門驛蜀有萬年松產峨嵋山長二三寸宛然成樹米置箱篋經年不枯植盆盎中沃以水青翠如初

初二日晴憩大水塘宿昭化縣治縣界與廣元之龍門石櫃相錯南接劍門古葭萌白水地也寰宇記有馬鳴閣在利州昭化縣魏志徐晃與夏侯

侯淵拒劉脩于陽平脩遣陳式等十餘營馬鳴
閣道

初三日陰由昭化桔栢渡登舟抵廣元縣城守記
廣明二年僖宗幸蜀張忠子神見于利州桔栢
津即此方與勝覽昭化驛有古栢土人呼桔栢
故以名潭

初四日陰廣元登舟遊千佛崖觀所書石刻并通
鑑編扁額及偈文名勝志千佛崖即古龍門閣

先是懸崖架木作棧而行後鑿石為千佛像遂

余行此也第便舟中遙望今日擊浪

成通衢憩沙河舖由陸路過朝天閣宿朝天鎮

望之美國密之噴仰穿天

初五日陰自下峽登舟溯流而北遇上峽及三灘

崖層雲蓋胸袖洗出山

峽仍回朝天鎮宿蓋嘉陵江有上下二峽危峰

雲裏面是

聳峙一水中貫其上流為三灘水淺而駛舟人

畏之灘北曰三灘峽峯巒回凸怪石參差猿猴

成羣跳崖攀樹宗文同詩頗若畫屏隨峽勢水

如衣帶轉岩陰洵紀實也

初六日晴歷龍洞背憩神宣驛宿朝頭鋪亦曰磚頭驛川路至此始竟

初七日陝西兵弁來迎過七盤關憩黃壩驛是夕抵寧羗州治劉宗為東益州舊謂之白馬城水徑注東帶白馬城一名陽平關瀘水南流入沔謂之瀘口按陽平關在州北九十里蜀志先主次于陽平關與淵卻等相拒又姜維表請分護陽平關口即其處通典張魯弟衛據陽平關橫

山築城十餘里周地畝記褒谷西北有古陽平

關

初八日憩滴水舖過五丁關及金牛峽再憩寬川
舖宿大安驛一曰大安關名勝志三泉在大安
軍東門外潁江石上宋史紹興中劉子羽留吳
玠等守三泉子羽以潭毒山形斗拔其上寬平

有水乃下令築壘按潭毒與四川廣元錯壤為
蜀口之障古舊時壘砦尚存余留扁于峽曰升平

兼通此見荆楚晉魏雅木版新合有月似無
便行旅舍處
關陰平溪者
若其城曰

孔道

初九日憩青陽驛再憩沮水水經注污水又東南
逕沮水成而東南流注漢曰沮口按污水一曰
沮水寧州本漢時沮縣地縣蓋以水名也宿沔
縣治水經注污水又東逕沔陽故城南城蕭何
所築漢建安二十四年劉備北定漢中始平壇
即漢王位于此南對定軍山蜀志先主自陽平
南渡沔水緣山稍前于定軍山勢作營即其地

其故城在今治東南十六里

初十日謁武侯祠觀所題詩勒石渡沔水拜武侯
墓書扁二曰名垂宇宙曰醇儒氣象留于祠并
題其墓碑後渡沔水東行憩舊州鋪及扭項鋪
宿褒城縣治褒谷長四百七十里與斜同為一
谷北口曰斜南口曰褒西谷高峻中間谷道褒
水所經史記張良送高祖至褒中說以燒絕棧
道者也又有箕谷蜀志建興六年諸葛亮揚散

由斜谷道取郾使趙雲節芝為疑軍據箕谷谷
口有石如門曰石門蜀都賦岨以石門蓋在漢
中之西褒中之北司馬遷有云巴蜀四塞棧道
千里唯褒斜館穀其口

十一日過雞頭關及觀音碓觀所作詩俱勒石名
勝志明洪武中增損歷代舊路修建雞頭棧八
十五間有雞頭巡司即今雞頭關也憩青橋驛
抵馬道驛宿名勝志去褒城五十里曰馬道山

馬道驛設為有甘亭關隋開皇置今為甘亭戍
亦謂之甘亭山

十二日徑馬鞍二十四嶺憩武關驛再憩青羊鋪
過盡眉關宿留壩

十三日微雨憩廟臺過柴關嶺再憩榆林鋪宿南
星鋪棧中多冬青樹生石罅中枝幹臃腫根本
下垂糾結纏絡如龍蛇之狀杜甫詩下有冬青
樹林石在上走長根是也

十四日憇廢卽關及新紅鋪過鳳嶺宿鳳縣治

十五日微雨憇王家臺再憇草涼驛及北星宿黃

牛鋪夜雨更盛

十六日晴憇東河驛再憇煎茶坪又憇益門鎮觀

所作石刻始出棧道唐歐陽唐棧閣銘曰秦之

坤蜀之艮連高夾深九州之險陰谿窮谷萬仞

直下奔崖峭壁千里無土余時往冬經陝地

躡雪噤風攀磴上下今則春林杳靄山谷萋迷

別具一種景色楊柳南雪粲粲歌遂渡渭水
宿寶雞縣治元和志陳倉城在寶雞縣東二十
里雞爪峯之下有二城上城秦文公築下城魏
將却昭築按蘇軾詩雞煩雲霞古即指此峰又
軾詩回趨西虢道今有虢國故城與岐山縣交
界謂之西虢渭河有礪溪石相傳呂尚釣處上
有膝痕軾詩安知渭上叟跪石留雙趺是也是
日恭迎

賜物至

十七日憩邸店及連村宿鳳翔府治府唐肅宗置
興成都京兆河南太原為五京本漢時三輔地
也蘇軾鳳翔八觀詩曰石鼓曰咀楚文曰王維
吳道子畫曰維摩像曰東湖曰真興閣曰李園
曰秦穆公墓墓在城東南隅軾詩索泉在城東
墓在城中無百步是也索泉秦宮名亦謂之祈
年宮石鼓今在京師太學內

十八日抵岐山縣小憩再憩益店宿扶風縣治過
番使延見行臺

十九日憩杏林宿武功縣治水經注斜水運武功
縣亦謂之武功水諸葛亮遺虎步監孟瑱據武
功水司馬懿因水長攻瑱亮作竹橋越水射之
橋成馳去其水北流注于渭是日西安藩臬來
迎

二十日憩河道村及馬嵬鎮宿興平縣治是日過

風晚刺雨縣本周大邱地秦曰廢邱項羽封章
邯都此

二十一日晴憩馬刨泉宿咸陽縣治秦故都也西
京賦秦里其翔實為咸陽三秦記以在九峻山
南渭水北山水俱陽故名商鞅所築冀闕處周
鎬京在縣東二十五里是日將軍督撫來迎
二十二日上畢原謁文武成康陵及周公太公墓
按帝王世紀文武成康皆塋于畢左傳杜注畢

國在長安西北今咸陽縣北五里單原是也亦
謂之單陌秦謂之池陽原漢曰長平陂皇覽云
文王武王周公冢皆在京兆長安鎬聚東杜中
史記成王葬周公于單禮記太公遜葬于周正
義曰葬于鎬京陪文武之墓道墟荒阜故老表
而畿之歷代尊崇亦可謂一體君臣祭祀同也
憩三橋抵西安府治宿暫署中是日恭迎

上諭及

賜物至

二十三日延見將軍督撫學使等

二十四日拜發

奏章校閱旗兵

二十五日雨

二十六日晴再閱旗兵

二十七日三閱旗兵

二十八日校閱騎射過滿洲城晚復雨

二十九日大雨

三十日晴謁 文廟觀碑洞其碑刻凡二百二十
餘座中有唐國子學石刻九經易九卷書十三
卷詩二十卷周官禮十卷儀禮十七卷禮小戴
記二十卷春秋左氏傳三十卷公羊氏傳十卷
穀梁氏傳十卷孝經十卷論語十卷爾雅二卷
考唐時立之學官必云九經謂易詩書及三禮
三傳石經則兼孝經論語爾雅仍目為九經貞

觀中孔穎達作易書詩禮記左氏春秋五經正義永徽中賈公彥撰周禮儀禮義疏宋邢昺疏孝經論語爾雅孫奭疏孟子皆奉詔作唯公羊疏不注姓名穀梁疏用唐楊士勳于是有十三經之目明代但取四書五經頒為功令又躡躐于宋元儒一家之言而注疏盡廢我

聖祖仁皇帝稽古右文諸經傳注各有彙纂博綜兼收集
漢唐宋諸說之長

皇上頒示黌宮扶植經學甚盛典也石經文刻自開成
中鄭覃同周墀崔球張次宗孔溫業等共為校
定今傳為歐陽率更書者誤舊唐書譏其字乖
師法然終勝今之監本坊本窮經好古于此與
有助焉余前過西安有作今亦刻石是書建曲江雁
塔寺唐時進士題名處也留扁曰慈雲法雨又
過興善寺留扁曰涅槃妙心

四月朔日發西安憩灊橋抵臨潼縣唐書留扁曰善

行宮

慶遠里

初二日登東岫頓憩新豐零口抵渭南縣有下邳
故城蓮勺城俱在縣北漢書宣紀常困于蓮勺
鹵中注如淳曰蓮勺縣有鹽池縱廣十餘里其
鄉人名為鹵中元和志唐之下邳即漢之蓮勺
也是夕宿赤水

初三日憩柳子鎮及敷水宿華嶽廟下東望

題

初四日晨起登華山天氣陰晴翠色溟濛過王猛
臺按晉書載記猛隱於華陰山聞桓溫入關被
褐詣之捫彘諱當世之務溫欲與俱南猛請還
山詣師遂止此蓋其遺蹟云野隱居歷希夷峽舊傳陳
搏隱處今有雲臺觀迤邐而前巒壑幽奧抵娑
蘿坪十八盤及青柯坪回心石風雨交至蜿蜒
入千尺幢仰見蒼崖壁削洞洞蒸嵐脩眉環綠

突露天罅其撇挨陡上者三峯曰蓮花曰仙掌
曰落雁餘峯兒孫羅立不可紀極隱現于烟霧
之中若拱若伏爭奇角勝飛泉奔注界道噴珠
余自客冬出都叨荷

天慈筋力頗勝時曩躡磴披巖殊覺健舉觀茲奇特興
起轉盛而垂綆峻滑難登洗盆玉井相望咫尺
恰如方丈三山航海者風輒引去誦少陵鐵鎖
高垂不可攀致身福地何蕭爽二語撥淖而歸

仍宿華嶽廟

初五日憩釣橋宿潼關縣治水經注華嶽本一山
當河河水逆而曲行河神巨靈手盪脚蹋開而
為西王涯仙掌辨云天設四瀆自有以通無假
神力銳而出者為虎牙偶而背者為熊耳角而
巘者為牛首冠而峭者為雞頭其亦有所作乎
斯論韙矣又水經注河在關內南流潼激關山
因謂之潼關自潼關東北流歷黃卷阪北出東

靖通謂之函谷關又門水北逕弘農縣故城東
城即故函谷關校尉舊治處也漢武帝元鼎四
年徙關於新安縣以故關為弘農縣弘農郡治
按秦函谷關在陝州靈寶縣西南十二里漢弘
農縣隋桃林縣也潼關故城在今潼關縣東南
四里王應麟地理通釋自潼關至函谷歷陝華
二州之地俱謂之桃林塞即左傳晉唐嘉所守
者也

初六日校閱滿漢兵畢登潼關城樓觀所作石刻
復書扁曰河山在望出關謁禹廟看石刻遂渡
黃河憩匡河及新店宿蒲州之寺坡底名勝志
河西岸有蒲津關通陝西朝邑縣界即秦孟明
濟河焚舟之所

初七日憩七級抵虞鄉縣本西魏之南解縣也北
周保定初改名元省今仍分臨晉置是夕宿解
州

初八日晨謁

關聖廟

謁鹽池神廟

觀所刻石

書扁曰靈貺麻徵宿運城是日遇風按左傳音

人謀去故絳諸大夫皆曰必居卯瑕氏之地沃

饒而近鹽杜預曰鹽鹽池蓋即今池是也山海

經高前之山其上有水甚寒而清謂之帝臺漿

郭璞曰今河東解縣南壇道山有水潛出濤而

不流即此處卯城在臨晉縣東北十五里故瑕

城在縣西南五里水經注涑水又西南逕瑕城

是也

初九日想陶村及水頭鎮宿聞喜縣治水經注涑
水出河東聞喜縣東山叅葭谷俗謂之葦谷至
周陽與洮水合左傳臺貽汾洮之神此洮水也
涑水西逕董澤陂左傳董澤之蒲可勝既乎注
曰聞喜縣東北有董池陂蒲楊柳可以為箭是
也周陽故城在縣東二十里史記田蚡傳景帝
封蚡弟勝為周陽侯即此晚刻雨

初十日雨止憩上東鎮及隘口過侯馬抵高縣鎮

宿

十一日憩蒙城及趙曲鎮入平陽府謁帝克廟是

夕宿府治

十二日憩陽曲鎮經洪洞縣春秋楊侯國晉并之
賜羊舌氏為米邑今縣東南有故楊城水經注
汾水南過楊城西即此也又經趙城縣造父之
封邑也史記周穆王賜造父以趙城由此為趙

上海珠光及

朱批及

取名再想索洲鎮宿義棠橋

名平陶後魏避諱改水經注泌水東南注于文

水逕大陵縣東南屈到平陶縣東北是也宿五里莊是日書扁曰漢代人傑送淮陰祠

十五日憩祁縣水經注侯甲水又西北流逕祁縣故城南自縣連延西接鄆澤是為祁藪爾雅之昭餘析矣後為祁奚采邑國語悼公使祁奚為元尉注云奚晉大夫高梁伯之子也奚孫盈始絕左傳魏獻子分祁氏之田以為七縣鄆祁平陵梗陽塗水為首孟也鄆在今介休縣東北平

陵亦曰大陵在文水縣東北梗陽在清源縣南
塗水在榆次縣西南漢書之梗陽鄉塗水鄉也
馬首今壽陽縣孟今陽曲縣西北大孟城一曰
大祁城再憩堯城過徐溝縣宿永康鎮是日晉
撫來迎

十六日抵王胡鎮校閱太原旗兵憩石貼宿太安
驛遠望西山崛岉諸峯亭亭拱立翠綠碧攢汾
水夾流晉陽之形勝也

十七日憩清平鎮抵壽陽縣治寰宇記馬首故城
在縣東南十五里水經注洞渦水東流南屈受
陽縣故城東即壽陽也韓愈有次壽陽驛詩再
憩芹泉驛以芹泉山而名其泉源有二出南山
谷曰南芹出北山谷曰北芹二泉合流東入平
定州界亦名琴泉是夕宿新興店

十八日憩平潭鎮抵平定州州為唐廣陽縣有故
城在州南三十里有綿山在州東一名紫金山

澤發水之源也。按水經注澤發水一名阜漿水。
一名妬女泉。元和志妬女子推妹舊傳同子推。
焚死。唐書高宗將幸汾陽宮并州刺史李冲元
以道出妬女祠。俗云盛服過者必致風雷之灾。
乃別開御道。知頓使狄仁傑止之。遂罷役。今有
唐李謹碑在娘子關。本古承天關。亦以妬女改。
名。蓋因水有妬名。村俗鑿空祀為妬女。又以水
出綿山。浹人并附會為子推之妹。考其丹雘不

載祀典而碑稱名水興靈致雨俾造化力則賡
臘廟崇似亦報功非誣但神號應釐正身宿栢
井驛是日多風

十九日憩故關入北直界再憩板橋過井陘縣穆
天子傳獵于鉏山之西河注云燕趙謂山脊為
陘卽陘山也宿微水

二十日憩獲鹿縣中山園之石邑也再憩趙陵鋪
渡滹沱河宿正定府治隆興寺本隋龍藏寺故

此有隋碑係開皇六年恒州刺史鄂國公金城
王孝德立石齊開府長兼行泰軍九門張公禮
撰文亦志亦錄亦公田亦刻

二十一日發正定府奉春秋鮮虞國地左傳晉荀
吳假道于鮮虞杜預注中山之新市縣水經注
滋水又東出新市縣入滹沱河新市故城又東
經常山城北今有新市城在府西北恒山郡城
在治西南十五里恒山即常山避漢文諱改名

是日憩伏城驛宿新樂縣

二十二日憩明月店抵定州古中山國也漢為安
喜縣蜀志先主討黃巾有功除安喜尉即此唐
常置定武軍蘇軾雪浪齋故趾在父廟後軾于
元祐八年由端明學士出知定州集內有中山
松醪賦蓋在州時作也是日天氣熱宿清風店
二十三日憩慶都縣因克母慶都誕克于此故名
有都山一名望都山水經注博水出望都縣東

南流逕其縣故城南是日保定提督率官弁來
迎宿方順店

二十四日晨拜發

奏章遂行憩大激店抵保定府治仍宿督署蓮花池
別業府治唐曰定州宋曰保州元合稱為保定
路有清苑河在城西二里源自雞距泉來分流
繞城南劉因詩十載雞泉隱是也因又有橫翠
樓賦云西北有峯琅然而秀者為郎山西四十

里有泉穴城而來者為雞水橫翠樓元萬戶張
柔所構即營蓮池者也水經注徐水屈東北逕
郎山又屈逕其山南寰宇記郎山在清苑縣西
北五十里

二十六日校閱旗兵

二十七日發保定府憩曹河水經注徐水又東左
合會曹水水出西北朔寧縣曹河澤東南流左
合岐山之水又東南逕北新河縣故城南王莽

之朔寧縣也曹水又東入于徐水是日牧安甯
縣縣即戰國時之武遂史記趙使李牧攻燕拔
武遂是也水經注易水東流屈逕長城西又東
流南過武遂縣南新城縣北俗又謂是水為武
遂津津北對長城門謂之分門按分門亦曰汾
門即梁門陂隋名縣為遂城劉因遂城道中詩
鐵城秋色接西垣是也再想固城宿北河店

二十八日陰雨想高碑店宿涿州水經注漢高祖

六年分縣置涿郡。涿之為名，當受涿水，通稱矣。涿水出上谷，涿鹿縣東北，流逕涿郡故城，西與桃水合。又聖水自涿縣東，與桃水合。世謂之涿水。又挾河東北，注聖水。世謂之挾活河。又謂之巨馬水。按此，則涿、桃、聖三水及挾河並滙一流。今之巨馬河，蓋兼諸水之稱。又有范水，在州西南。范陽郡以此名。

二十九日晴發涿州，憩琉璃河宿長新店。

閏四月朔日恭詣

國明園復

命